



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelæ Geographiae Veteris Et Novae

Briet, Philippe

Parisiis, 1648

§. 1. Nomen Hiberniae.

urn:nbn:de:hbz:466:1-13147

re. Alij ex Gothiâ, quæ tum Scythia dicebatur, vt colligitur ex lib. 2. Procopij, de bello Goth. Quidquid sit Hiberniam primò subierunt: exinde transferunt in partem Septentrionalem Britaniæ, vbi iuncti Pictis grauissima bella gessere cum Romanis, & Britannis cultioribus. Picti autem videntur indigenæ fuisse, & hoc accepisse nomen à corporibus *Pictis Glasto*, quod eruditè Camdenus probat. Hi autem Picti occupabant partem Meridionalem præsentis Scotiæ, cùm Scotti Borealem incolerent. Sed cùm Scotorum copiæ subinde nouæ ex Hiberniâ transmittenterent, tandem exterminati sunt Picti regnante apud eos Kenneto filio Alpini.

Dicuntur autem Scotti semper paruisse Regibus suis, qui à Ferguson I. ad Iacobum Mariæ Stuartiæ filium c vii. à Buchanano numerantur. Regnum ad primogenitum Regis demortui devoluitur, qui dicitur *Rosay Dux*. Rex magni aliquid gerere nequit inconsulto *Panscotio*, seu *Parlamento*. Tutelam ipse gerit Nobilium, filiorum ad annum 21. filiarum ad 14. & tum eorum bona fisco addicuntur, quod tutelæ genus *Vardam* vocant, nos *la garde noble*. *Panscotium* autem constat ex Ecclesiasticis, hoc est Episcopis, Abbatibus, Prioribus; Dominis temporalibus scilicet, Ducibus, Marchionibus, Comitibus, Vice-Comitibus, & Baronibus; denique ex delegatis ciuitatum. Unicum hinc iustitiae forum, vulgo *The-Session*.

CAPVT IV.

Hibernia.

EADEM quoque hinc, quæ in Scotiâ consideranda sunt.

§. 1. *Nomen Hiberniæ.*

EA M Britanni *Tuerdon* appellant, Angli *Ireland*, indigenæ *Erin*: Apud Poëtas Hibernicos & fabulosos historiarum scriptores *Bally* dicitur, vnde facta vox *Allabanny*, altera *Hibernia*, quod nomen concessum esse Scotiæ suprà vidimus. Quod autem *Zephyri Regnum* eam Giraldus dixit, poëticè locutus est.